

Gjalddagi vatnsskatts er 15. janúar, og greiðist vatnsskatturinn í einu lagi fyrir líðandi ár. Vatnsskattur skv. 11. gr. fellur í gjalddaga 1. júlí og 31. desember eftir á eða þegar verksmiðjurekstur hættir ár hvert.

Húseigandi ber ábyrgð á greiðslu vatnsskatts vegna húss síns. Eigandi fyrir-tækis ber ábyrgð á greiðslu vatnsskatts vegna atvinnurekstrar síns. Útgerðarmaður skips og skipstjóri bera ábyrgð á greiðslu vatnsskatts til skipa. Vatnsskattinn má taka lögtaki, og er hann tryggður með lögveði í eignum næstu 2 ár eftir gjalddaga með forgangsveði fyrir hvers konar samningsveði og aðfararveði án tillits til eigendaskipta.

16. gr.

Bannað er að taka vatn úr brunahönum, sem á vatnsveitunni eru eða kunna að verða settir síðar. Óheimilt er að setja hreyfivélar í samband við hana nema með leyfi hreppsnefndar eða þess aðila, sem hreppsnefnd hefur falið slökkvistarf í kaup-túninu.

Reglugerð þessi, sem samin er og samþykkt af hreppsnefnd Stöðvarhrepps, staðfestist hér með samkvæmt lögum nr. 15 20. júní 1923 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 23. júlí 1976.

F. h. r.

Hallgrímur Dalberg.

Skúli Sigurðsson.

SAMÞYKKT

um hundahald í Hólmavíkurbænum.

1. gr.

Hundahald er bannað í Hólmavíkurbænum.

2. gr.

Sveitarstjórn er heimilt að veita einstaklingum í kaup-túninu undanþágu til hundahalds með eftirfarandi skilyrðum:

- Hundurinn skal skráður á skrifstofu hreppsins og fær eigandi hundsins afhenta merkta plötu, sem jafnan skal vera í ól um háls hundsins.
- Árlega skal sveitarsjóði greitt leyfisgjald fyrir þá hunda, sem undanþága er veitt fyrir. Gjaldið sem hreppsnefnd ákveður fyrir eitt ár í senn, skal renna til þess að standa straum af kostnaði við eftirlit með þessum hundum og skal upphæðin við það miðuð.
- Skylt er hundeiganda að hafa hund sinn ábyrgðartryggðan hjá viðurkenndu váttryggingarfélagi. Við greiðslu árlegs leyfisgjalds skal leggja fram kvittun frá tryggingarfélaginu sem sýni að tryggingin sé í fullu gildi. Gjaldtagi leyfisgjaldsins er 1. júlí ár hvert.
- Hundurinn skal aldrei ganga laus á almannafæri, heldur vera í taumi í fylgd með aðila sem hefur fullt vald yfir honum. Eigi er leyfilegt að fara með hundinn inn í matvöruverslanir, fiskvinnsluhús, eða aðra staði, sem matvæli eru um hönd höfð.

- e) Leyfi fyrir einstökum hundum er jafnan háð því að þeir raski eigi ró íbúa kaupsinsins og séu hvorki þeim né öðrum sem um kaupsúnið fara til óþæginda.
- f) Hundeinganda ber að hlíta að öðru leyti lögum og reglum er hundahald varða (þ. m. t. reglum um árlega hreinsun hunda og greiðslu hundaskatts), svo og fyrirmælum, sem heilbrigðisnefnd setur, og leggja fram heilbrigðisvottorð vegna hundsins á skrifstofu hreppsins fyrir 1. júlí ár hvert.

Við brot á skilyrðum fyrir undanþágu til hundahalds skal fjarlægja viðkomandi hund. Skal hundinum komið fyrir sé um að ræða minni háttar brot í fyrsta skipti. Eigandi hundsins yrði þá að leysa hann þaðan út gegn greiðslu alls kostnaðar vegna brotsins. Sé um að ræða alvarlegt brot eða itrekuð brot afturkallast viðkomandi undanþágu til hundahalds.

Hreppsnefnd er heimilt hvenær sem er að afturkalla leyfi fyrir einstökum hundum eða öll veitt leyfi telji hún þess þörf.

3. gr.

Ofangreind samþykkt hreppsnefndar Hólmavíkurrepps staðfestist hér með skv. 1. gr. laga nr. 7/1953 um hundahald og varnir gegn sullaveiki svo og lögum nr. 12/1969 um hollustuhætti og heilbrigðiseftirlit, til þess að öðlast gildi þegar við birtingu.

Heilbrigðis- og tryggingamálaráðuneytið, 4. ágúst 1976.

F. h. r.

Jón Ingimarsson.

Ingimar Sigurðsson.

REGLUGERÐ

um breyting á reglugerð um gerð lyfseðla og afgreiðslu
lyfja nr. 338 20. nóvember 1973.

1. gr.

6. gr. 1. töluliðar a), Meprobumatam orðist svo:
Meprobumatam, nema lyf í samsetningum, sem innihalda 0.1 g af mepróbumati eða minna í hverjum skammti.

2. gr.

8. gr. stafliður 1. hljóði svo:
Súblímatöflur og merkúríoxýcýaníðtöflur, svo og nikotín, súblímat- og arsenlausnir, sterkari en 1% ætlaðar dýrum, skal ávallt auðkenna sérstökum miða, sem á er ritað með ljósu letri á dökkan grunn orðið: **Eitur**. Klóramíntöflur og ætiefni (caustica) skal auðkenna sérstökum miða, sem á er ritað með ljósu letri á dökkan grunn: **Varúð — Hættulegt**.

3. gr.

8. gr. stafliður m. töluliður 9 hljóði svo:
Klófenótan og hexícið, sbr. viðauka 1, skal árita: Má ekki nota gegn óþrifum á svínum, alifuglum eða mjólkandi dýrum. Klófenótan, sem nota skal gegn óþrifum á mönnum eða dýrum, skal auðkenna rauðum merkimiða og auk þess svohljóðandi leiðbeiningum um notkun: